



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ՍՅՈՒՆԻՔԻ ՄԱՐԶ ՔԱԶԱՐԱՆԻ ՀԱՄԱՅՆՔԱՊԵՏԱՐԱՆ

ք.Քաջարան, Լեոնազործների 4, Հեռ. 0285-3-21-81

N 622
09 օգոստոս 2022թ.

«ԱԼԼ ԳՐՈՒՊ» ՍՊԸ
ՏՆՕՐԵՆ
Ս. ԶԱՔԱՐՅԱՆԻՆ

Հարգելի պարոն Զաքարյան.

Քաջարանի համայնքապետարանի և «ԱԼԼ Գրուպ» ՍՊ ընկերության միջև 2022 թվականի մարտի 01-ին կնքվել է ՔՀ-ԳՀԱՇՁԲ-22/04-02 ծածկագրով «Քաջարանի համայնքապետարանի կարիքների համար՝ Քաջարան քաղաքի Շահումյան փողոցում խաղահրապարակի վերակառուցման աշխատանքների» ձեռքբերման պայմանագիր:

ՔՀ-ԳՀԱՇՁԲ-22/04-02 ծածկագրով պայմանագրի անբաժանելի մաս կազմող հավելված թիվ 2-ի (Օրացուցային գրաֆիկ) համաձայն՝ կապալառուն պարտավորվել է կատարել աշխատանքները 4 /չորս/ ամիսների ընթացքում՝ մինչև ս/թ հուլիսի 1-ը ներառյալ:

Պայմանագրի 3.1.4 կետի ա) և բ) ենթակետերի համաձայն՝ Պատվիրատուն իրավունք ունի Միակողմանի լուծել պայմանագիրը և պահանջել հատուցելու իրեն պատճառված վնասները, եթե.

ա) Կապալառուն ժամանակին չի սկսում աշխատանքի կատարումը կամ աշխատանքը կատարում է այնքան դանդաղ, որ դրա ժամանակին ավարտը դառնում է ակնհայտ անհնար,

բ) Կապալառուն խախտել է պայմանագրի 1.3 կետում նախատեսված ժամկետը (ներառյալ օրացուցային գրաֆիկը),

Հաշվի առնելով վերը նշվածը և հիմք ընդունելով Քաջարան քաղաքի Շահումյան փողոցում խաղահրապարակի վերակառուցման աշխատանքների որակի տեխնիկական հսկողություն իրականացնող «Մարտեվ» ՍՊ ընկերության տնօրեն Ժ. Բաբայանի 08/08/2022 թվականի Քաջարան համայնքի ղեկավարին ուղղված գրությունը աշխատանքի կատարման էական խախտումների վերաբերյալ՝ Քաջարանի համայնքապետարանը ս/թ օգոստոսի 09-ից միակողմանի լուծում է Պայմանագիրը:

Ընկերության կողմից, որպես պայմանագրային պարտավորությունների պատշաճ կատարման ապահովում ներկայացված որակավորման և պայմանագրի ապահովումները (տուժանքի մասին համաձայնագրերը՝ հավելված 4.2 և հավելված 5.1) կից վճարման պահանջագրերի հետ միասին, սահմանված կարգով, կներկայացվեն Ընկերությանը սպասարկող բանկ՝ տուժանքի մասին համաձայնագրերով սահմանված գումարներից համապատասխանաբար 3 447 000 (երեք միլիոն չորս հարյուր քառասունյոթ հազար) ՀՀ դրամ և 2 298 000 (երկու միլիոն երկու հարյուր իննսունութ հազար)

ՀՀ դրամ Քաջարանի համայնքապետարանի՝ ՀՀ Ֆինանսների նախարարության կողմից բացված գարձապետական հաշվարկային հաշիվ՝ 900315202151 հաշվեհամարին փոխանցելու նպատակով:

Քաջարանի համայնքապետարանը նաև նախաձեռնում է «ԱԼԼ Գրուպ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու գործընթաց:

Տեղեկացնում ենք նաև, որ «ԱԼԼ Գրուպ» ՍՊԸ-ն պարտավոր է սույն ծանուցումը ստանալուց հետո 10 (տասը) աշխատանքային օրվա ընթացքում Քաջարանի համայնքապետարանի՝ ՀՀ Ֆինանսների նախարարության կողմից բացված գարձապետական հաշվարկային հաշիվ՝ 900315202151 հաշվեհամարին փոխանցել Պայմանագրի 6.2 (Սույն պայմանագրով նախատեսված Աշխատանքի կատարման ժամկետը խախտելու դեպքում Կապալառուից յուրաքանչյուր ուշացված աշխատանքային օրվա համար գանձվում է տույժ՝ կատարման ենթակա, սակայն չկատարված Աշխատանքի գնի 0,05 (զրո ամբողջ հինգ հարյուրերորդական) տոկոսի չափով) և 6.3 (3.1.4 կետով նախատեսված կարգով պայմանագիրը լուծելու դեպքում Կապալառուից գանձվում է տուգանք՝ պայմանագրի 5.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով) կետերով սահմանված տույժը և տուգանքը, որոնց չափերը 08/08/2022թ.-ի դրությամբ կազմում են համապատասխանաբար 261 477 (երկու հարյուր վաթսուներեկ հազար չորս հարյուր յոթանասունյոթ) ՀՀ դրամ և 114 900 (մեկ հարյուր տասնչորս հազար ինը հարյուր) ՀՀ դրամ:

Կառավարության 2017 թվականի մայիսի 04-ի N 526-Ն որոշմամբ հաստատված «Գնումների գործընթացի կազմակերպման» կարգի 33-րդ կետի 17-րդ ենթակետով սահմանված կարգով՝ Պայմանագիրը միակողմանի լուծելու վերաբերյալ ծանուցումը կիրառարակվի gnumner.am կայքում:

Կից ներկայացնում ենք տեխնիկական հսկողություն իրականացնող «Մարտեվ» ՍՊ ընկերության տնօրեն Ժ. Բաբայանի՝ Քաջարանի համայնքի ղեկավարին ուղղված գրությունը:

Առդիր՝ 1 /մեկ/ թերթ

ՀԱՄԱՅՆՔԻ ՂԵԿԱՎԱՐ՝



ՄԱՆՎԵԼ ՓԱՐԱՄԱՋՅԱՆ